



Broj: UP1-01-12-MKS-5-2/18  
Sarajevo, 12.1.2017.g.

Na osnovu člana 14. stav (3) Zakona o slobodi pristupa informacijama u Bosni i Hercegovini («Službeni glasnik BiH» br. 28/00, 45/06, 102/09, 62/11 i 100/13), postupajući na osnovu tačke II Rješenja kojim se imenuje službenik za informisanje Direkcije za evropske integracije broj: 01-50-BT-66/12 od 13.1.2012. godine, rješavajući po pisanom zahtjevu broj UP1-01-12-5/18 Admira J. iz Sarajeva, doneseno je

## R J E Š E N J E

**Odbija se u potpunosti** zahtjev za pristup informacijama koji je podnio Admir J. iz Sarajeva, a kojim su tražene *informacije koje je dostavila Vlada Federacije BiH za odgovaranje na pitanje iz Upitnika Evropske komisije: Da li tužilaštva ili drugi organi vlasti u Bosni i Hercegovini imaju dovoljne kapacitete za vršenje ekshumacije posmrtnih ostataka u vezi sa nestalim licima u prošlom ratu/oružanom sukobu? Koliko je ekshumacija izvršeno u proteklih šest godina? Koliko je zahtjeva za ekshumaciju zaprimljeno u zadnjih šest godina? Koliko ekshumacija je trenutno u toku, a koliko je onih kojima se tek treba pristupiti? Navedite podatke o lokacijama i rezultatima svake od izvršenih ekshumacija koje su u toku.* Zahtjev se odbija zbog utvrđenog izuzetka u skladu sa članom 5. Zakona o slobodi pristupa informacijama u BiH.

## O b r a z l o ž e n j e

Admir J. iz Sarajeva, dostavio je zahtjev za pristup informacijama u kojem su tražene *informacije koje je dostavila Vlada Federacije BiH za odgovaranje na pitanje iz Upitnika Evropske komisije: Da li tužilaštva ili drugi organi vlasti u Bosni i Hercegovini imaju dovoljne kapacitete za vršenje ekshumacije posmrtnih ostataka u vezi sa nestalim licima u prošlom ratu/oružanom sukobu? Koliko je ekshumacija izvršeno u proteklih šest godina? Koliko je zahtjeva za ekshumaciju zaprimljeno u zadnjih šest godina? Koliko ekshumacija je trenutno u toku, a koliko je onih kojima se tek treba pristupiti? Navedite podatke o lokacijama i rezultatima svake od izvršenih ekshumacija koje su u toku.* Iako zahtjev za pristup informacijama nije podnesen na obrascu koji Zakon o slobodi pristupa informacijama u Bosni i Hercegovini (u daljnjem tekstu: ZoSPI) propisuje, Direkcija za evropske integracije (u daljnjem tekstu: Direkcija) je, s obzirom da sadrži elemente neophodne za postupanje, zahtjev zaprimila 10.1.2018. i zavela pod brojem UP1-01-12-5/18.

Nakon što su razmotrene sve činjenice i okolnosti koje su od značaja za obradu ovog zahtjeva, utvrđeni su izuzeci u skladu sa članom 5. ZoSPI. Naime, na upitnik Evropske komisije ne

odgovaraju pojedinačne institucije ili nivoi vlasti, već Bosna i Hercegovina integralno, a informacije tražene pitanjima iz Upitnika, Evropska komisija zahtijeva od Vijeća ministara BiH. Materijali koje nadležne institucije s ciljem realizacije ovog zadatka dostavljaju su doprinosi za pripremu cjelovitih odgovora BiH. Njihovu finalizaciju, odnosno utvrđivanje konačnih odgovora obavljaju tijela u sistemu koordinacije procesa integrisanja u EU, u skladu sa Odlukom o sistemu koordinacije procesa evropskih integracija u Bosni i Hercegovini (Službeni glasnik BiH broj 72/16).

Izuzetak od objavljivanja parcijalnih doprinosa nadležnih institucija kao i nefinaliziranih odgovora na upitnik Evropske komisije utvrđen je u skladu sa članom 6. stav (1) tačka d) ZoSPI, s ciljem zaštite odlučivanja o formulaciji konačnih odgovora BiH na upitnik Evropske komisije, kao i davanja stručnih mišljenja i savjeta Direkcije nadležnim institucijama. S ciljem zaštite odlučivanja, kao i odgovornosti institucija u postupku odgovaranja na Upitnik, objava doprinosa pojedinačnih institucija, te odgovora u cjelosti ili parcijalno nije moguća. Takvu praksu nisu imale ni države u regionu.


Takođe, nakon provedenog testa javnog interesa u smislu člana 9. ZoSPI, Direkcija je utvrdila da objavljivanje parcijalnih doprinosa nadležnih institucija ili nefinaliziranih cjelovitih odgovora BiH nije od javnog interesa, imajući posebno u vidu da će cjeloviti odgovori BiH na upitnik Evropske komisije biti javno dostupni na web sajtu Direkcije nakon što ih Vijeće ministara BiH potvrdi, te kao takvi budu dostavljeni Evropskoj komisiji.

Postupajući u skladu sa članom 14. stav 3. tačka b) ZoSPI, doneseno je rješenje kao u dispozitivu.

**Pouka o pravnom lijeku:** Protiv ovog Rješenja podnositelj zahtjeva može izjaviti žalbu Žalbenom vijeću Vijeća ministara BiH (adresa: Trg BiH 1, Sarajevo) u roku od 15 dana od dana prijema, a može se obratiti i instituciji Ombudsmana Bosne i Hercegovine (adresa: Akademika Jovana Surutke 13, Banjaluka).

SLUŽBENICA ZA INFORMISANJE

Marina Kavaz-Siručić



Dostavljeno:

- podnositelju zahtjeva, redovnom poštom
- a/a